

Izjava OHR-a na konferenciji za medije međunarodnih organizacija

OHR podržava akciju SIPA-e i SFOR-a protiv osumnjičenih kriminalaca

OHR podržava zajedničku akciju SIPA-e i SFOR-a koja se desila jutros u Bileći na zahtjev Ureda tužioca BiH. Međunarodna zajednica i organi vlasti BiH su odlučne pronaći i uhapsiti sve osumnjičene kriminalce.

Nije na OHR-u da komentira detalje jedne ovakve operacije, ali je značajno naglasiti da poštivanje vladavine prava predstavlja bitan elemenat u svakom demokratskom društvu te ključ u izgradnji evropske budućnosti BiH. OHR izražava žaljenje što je jedna osoba povrijedena tokom ove operacije, te poziva sve one koje su osumnjičili sudovi, kako u BiH tako i u Hagu, da se predaju kako bi se slični incidenti ubuduće izbjegli.

Visoki predstavnik se sastaje sa glavnom tužiteljicom

Visoki predstavnik Paddy Ashdown sutra će se u Hagu sastati sa glavnom tužiteljicom Haškog tribunala Carlom Del Ponte. Razgovarat će o saradnji sa Tribunalom u svjetlu predstojećeg NATO samita koji će se održati u decembru, te omogućavanju efektivnog procesuiranja slučajeva ratnih zločina početkom 2005. godine, a koje će Bosna i Hercegovina preuzeti od Tribunalala.

Neuspjeh Republike Srpske da sarađuje sa Tribunalom je velika prepreka težnjama Bosne i Hercegovine da se priključi NATO-ovom programu Partnerstvo za mir. Također to predstavlja i glavnu prepreku započinjanju pregovora o potpisivanju Sporazuma o stabilizaciji i pridruživanju Evropskoj uniji. Neuspjeh BiH da ispoštuje svoje međunarodne obaveze odgodit će napredak i upropastiti šanse za sigurnost i prosperitet koji nudi Brisel. Republika Srpska do danas nije uhapsila niti jednog haškog bjegunca.

Ambasador Wnendt posjetio Katolički školski centar u Sarajevu

Viši zamjenik visokog predstavnika Werner Wnendt jučer je posjetio Katolički školski centar "Sv. Josip" u Sarajevu, te se sastao sa direktorom Centra gospodinom Antom Meštrovićem i Biskupom Perom Sudarom. Ambasador Wnendt je izrazio razumijevanje za značaj uloge koju Katolička crkva ima za Hrvate u BiH, posebno na polju odgoja i obrazovanja djece.

Ambasador Wnendt je objasnio da se škole u BiH mogu organizirati na principu usklađivanja dva različita prioriteta u obrazovanju: očuvanju i razvoju identiteta, a u isto vrijeme promoviranje međusobnog razumijevanja i povjerenja među različitim entičkim grupama. Ambasador Wnendt je naglasio da su kulturna, vjerska, jezička i druga obilježja nacionalnog identiteta zagaranirana svim građanima BiH, te da su različiti kriteriji neprihvatljivi.

Posljednje ekonomske statistike

Donio sam kopije posljednjeg ekonomskog izvještaja OHR-a. Kao što znate, ovaj izvještaj sadrži mjesecne podatke iz kojih se može dobiti kratak uvid u ekonomiju BiH.

Izvještaj pokazuje da KM i dalje uživa povjerenje investitora. Između januara i avgusta 2004. godine, Centralna banka je prodala neto 434,4 miliona KM. To znači da se euro kao i ostale strane valute po ukupnim količinama više mijenjao u KM nego što se KM mijenjala u druge valute.

Također, izvještaj pokazuje da dok je značajno porastao izvoz u godišnjim usporedbama, vrijednost uvoza još uvijek prelazi vrijednost izvoza, te je stopa nezaposlenosti u Federaciji i dalje je veoma visoka.

Sa sobom sam donio kopije ovog izvještaja, a zainteresirani će također moći naći izvještaj na OHR-ovoј web stranici www.ohr.int